

| | | | |
|---|-----------|---|-----------|
| Scapularis B. M. V. de monte Carmelo r. | pag. 114* | Torelli S. bened. aquæ | pag. 167* |
| Scapularis B. M. V. Salutis Infirmorum r. | 126* | Trinitatis Ss. scapularis r. | 100* |
| Scapularis B. M. V. Septem Dolorum r. | 174* | Trisagii Ss. Trinitatis r. | 102* |
| Scapularis Ss. Crucis et Passionis r. | 108* | | |
| " Passionis, Cordis D. N. J. C. et B. M. V. Immaculatæ r. | 110* | U. | |
| Scapularis Ss. Trinitatis r. | 100* | Uvarum | 153* |
| Scholaris domus noviter erectæ | 39* | | |
| Scholarum domus | 152* | V. | |
| Segetum demessarum seu horrei | 50* | Vasculi pro Ss. Eucharistia conservanda | 225 |
| " in festo Nativitatis B. M. V. | 35* | Vasorum sacrorum et aliorum ornamentorum in genere R. | 80* |
| Seminum | 50* | Vasorum pro sacris Oleis includendis R. | 79* |
| " et segetum in festo Nativitatis B. M. V. | 35* | Vestis clericalis | 92* |
| Stabuli equorum, boum et aliorum armentorum | 71* | Vestium et cinguli quæ deferuntur in honorem B. M. V. | 63* |
| Stationum Viæ Crucis r. | 103* | Vexilli processionalis | 37* |
| | | Viæ Crucis r. | 103* |
| T. | | " ferreæ et curruum | 45* |
| Tabernaculi seu Vasculi pro Ss. Eucharistia conservanda R. | 225 | " " " forma solemnior R. | 88* |
| Tabularum pro Via Crucis r. | 104* | Vincentii S. benedictio aquæ pro infirmis r. | 145* |
| Telegraphi R. | 86* | Vinearum et frugum | 213 |
| Tertiariis S. Franc. Assis. absolutio generalis r. | 170* | Vini in festo S. Joannis Apostoli et Evangelistæ | 24* |
| Tertiariis S. Franc. Assis. in articulo mortis r. | 171* | Vini alia benedictio | 26* |
| Tertiariis S. Franc. Assis. benedictio papalis quater in anno elarg. r. | 171* | " pro infirmis | 152* |
| Thalami | 212 | Violatæ ecclesiæ reconciliatio R. | 236 |
| Thomæ S. Aquin. cinguli r. | 136* | Violati cœmeterii " R. | 241 |
| Thuris in festo Epiphaniæ bened. | 28* | Volucrum | 66* |
| | | | |
| | | W. | |
| | | Willibrordi S. benedictio aquæ | 155* |

SUPPLEMENTUM

AD

RITUALE ROMANUM.

Breve Ss. D. N. Leonis PP. XIII. Quo universi d. d. 7. Julii 1882 circa absolutionis tum generalis, tum in articulo mortis, tum Papalis benedictionis formulas sequentia decrevit:

I. Pro absolutione in articulo mortis retineatur in omnibus formula præscripta in Constitutione sa. me. Benedicti Papæ XIV, Pia mater, addito tantum ad Confiteor nomine Sancti proprii Fundatoris.

II. Benedictio Summi Pontificis nomine impertienda detur cum formula approbata in Constitutione ejusdem sa. me. Benedicti Papæ XIV, Exemplis prædecessorum, sed nonnisi bis in anno, et sub conditione quod hæc Benedictio nunquam detur eodem die et in eodem loco, ubi Episcopus eam impertiat.

Hæc formula est sequens:

Postquam statuta die et hora populus ad Ecclesiam convenerit, alta voce legantur Apostolicæ Litteræ, seu Decreta, quibus Indulgentia conceditur, una cum potestate Benedictionem Apostolicam super populum effundendi, ut de delegatione audientibus constet; et concessio ex Latino sermone in vulgarem accommodatum ad populi intelligentiam conversa pronuncietur: populus ad suorum scelerum detestationem pio brevique sermone excitetur: post quæ

Sacerdos, nullis circumadstantibus ministris, stola et superpelliceo indutus (ut in Rituali Romano præscribitur, cum agitur de Benedictionibus, quæ extra Missam Presbyteris permittuntur) ante Altare genuflexus, sequentibus verbis Dei opem impleret.

V. Adjutórium nostrum in nómine Dómini.

R. Qui fecit cœlum, et terram.

V. Salvum fac pópulum tuum Dómine.

R. Et bénedic hæreditáti tuæ.

V. Dóminus vobíscum.

R. Et cum spírítu tuo.

Deinde stans, sequentem recitat Orationem.

Orémus.

Omnípotens, et miséricors Deus, da nobis auxili-
um de sancto, et vota pópuli hujus in humilitate
cordis véniam peccatórum poscéntis, tuámque bene-
dictionem præstolántis, et grátiam, cleménter exaúdi;
déteram tuam super eum benígnus exténde, ac
plenitúdinem divínæ benedictionis effúnde: qua bonis
ómnibus cumulátus, felicitátem et vitam consequá-
tur ætérrnam. Per Christum Dóminum nostrum.

R. Amen.

Post quam ad cornu Epistolæ accedat, et stans in cornu Epi-
stolæ, non trina, hoc est triplici signo Crucis, sed una Benedicti-
onē, uníço videlicet signo Crucis, benedicat, proferens alta voce
hæc verba:

Benedicat vos omnípotens Deus Pater, ✠ et Fí-
lius, et Spírítus sanctus. **R.** Amen.

*III. In Absolutione generali pro Regularibus cujuscumque
Ordinis, atque in Benedictione cum Indulgentia plenaria pro
Tertiariis Sæcularibus adhibeantur omnino duæ insequentis for-
mule a Rmo Assessore ipsius Sacræ Congregationis propositæ
atque ab eadem approbatæ, abrogatis penitus et suppressis qui-
buscumque aliis formulis hucusque usitatis, videlicet:*

I. Formula Absolutionis Generalis pro Regularibus

cujuscumque Ordinis hoc privilegio fruuntibus.

Antiph. Ne reminiscáris, Dómine, delícta nostra,
vel paréntum nostrórum, neque vindíctam sumas de
peccátis nostris.

Kýrie eléison. Christe eléison. Kýrie eléison.
Pater noster.

V. Et ne nos indúcas in tentatióne,

R. Sed libera nos a malo.

V. Osténde nobis, Dómine, misericórdiam tuam,

R. Et salutáre tuum da nobis.

V. Dómine, exaúdi oratióne meam,

R. Et clamor meus ad te véniat.

V. Dóminus vobíscum,

R. Et cum spírítu tuo.

Orémus.

Deus, cui próprium est miseréri semper et pár-
cere, súscipe deprecatióne nostram, ut nos, et
omnes fámulos tuos, quos delictórum caténa con-
stringit, miserátio tuæ pietátis cleménter absólvat.

Exaúdi, quæsumus Dómine, súpplicum preces,
et confiténtium tibi parce peccátis: ut páriter nobis
indulgéntiam tríbuas benígnus et pacem.

Ineffábilem nobis, Dómine, misericórdiam tuam
cleménter osténde: ut simul nos et a peccátis ó-
mnibus éxuas et a pœnis, quas pro his merémur,
erípias.

Deus, qui culpa offéndetis, pœniténtia placáris:
preces pópuli tui supplicántis propítius réspice, et
flagélla tuæ iracúndiæ, quæ pro peccátis nostris
merémur, avérte. Per Christum Dóminum nostrum.
Amen.

Completis precibus, ab uno ex adstantibus dicitur Confiteor, addito nomine proprii Fundatoris.

Deinde Sacerdos dicit:

Misereatur vestri etc. Indulgentiam, absolutiorem etc.

Postea subjungit:

Dominus noster Jesus Christus per mérita suæ sacratissimæ passiónis vos absolvat et grátiam suam vobis infúdat. Et ego auctoritate ipsius, et beatórum Apostolorum Petri et Pauli et Summórum Pontificum Ordini nostro ac vobis concessa, et mihi in hac parte commissa, absolvo vos ab omni vínculo excommunicatiónis majóris, vel minóris, suspensiónis et interdicti, si quod forte incurrístis, et restituo vos unióni et participatióni fidélium, necnon sacrosánctis Ecclésiæ Sacraméntis. Item eádem auctoritate absolvo vos ab omni transgressióne votórum et régulæ, constitutiónum, ordinatiónum et admonitiónum majórum nostrórum, ab ómnibus pœnitentiis oblitis, seu étiam negléctis, concédens vobis remissionem et indulgentiam ómnium peccatórum, quibus contra Deum et próximum fragilitate humana, ignorántia, vel malítia deliquístis, ac de quibus jam conféssi estis: In nómine Patris ✠ et Filii et Spíritus sancti. Amen.

II. Formula Benedictionis cum indulgentia plenaria pro Tertiariis Sæcularibus,

ceterisque omnibus communicationem privilegiorum et gratiarum cum iisdem, vel cum Regularibus cujuscumque Ordinis habentibus.

Antiph. Intret orátio mea in conspéctu tuo, Dómine; inclína aurem tuam ad preces nostras; parce, Dómine, parce pópulo tuo, quem redemísti Sanguine tuo pretiósó, ne in ætérnum irascáris nobis.

Kýrie eléison. Christe eléison. Kýrie eléison. Pater noster.

V. Et ne nos indúcas in tentatiónem,

R. Sed líbera nos a malo.

V. Salvos fac servos tuos,

R. Deus meus, sperántes in te.

V. Mitte eis, Dómine, auxiliúm de Sancto;

R. Et de Sion tuére eos.

V. Esto eis, Dómine, turris fortitudinis,

R. A fácie inimíci.

V. Nihil proficiat inimícus in nobis,

R. Et filius iniquitátis non appónat nocére nobis.

V. Dómine, exaúdi oratiónem meam,

R. Et clamor meus ad te véniat.

V. Dóminus vobíscum,

R. Et cum spírítu tuo.

Orémus.

Deus, cui próprium est, miseréri semper et párcere, súscipe deprecationem nostram, ut nos, et omnes fámulos tuos, quos delictórum caténa constringit, miserátio tuæ pietátis cleménte absolvat.

Exáudi, quæsumus Dómine, súpplicum preces, et confiténtium tibi parce peccátis, ut páriter nobis indulgentiam tríbuas benígnus et pacem.

Ineffábilem nobis, Dómine, misericórdiam tuam cleménte osténde: ut simul nos et a peccátis ómnibus éxuas, et a pœnis, quas pro his merémur, erípias.

Deus, qui culpa offéndaris, pœniténtia placáris: preces pópuli tui supplicántis propítius réspice, et flagélla tuæ iracúndiæ, quæ pro peccátis nostris merémur, avérte. Per Christum Dóminum nostrum. Amen.

Dicto deinde Confiteor etc., Misereatur etc., Indulgentiam etc., sacerdos prosequitur:

Dóminus noster Jesus Christus, qui beáto Petro Apóstolo dedit potestátem ligándi atque solvéndi, ille vos absolvat ab omni vínculo delictórum, ut habeátis vitam ætérnam et vivátis in sæcula sæculórum. Amen.

Per sacratíssimam passiónem et mortem Dómini nostri Jesu Christi, précibus et méritis beatíssimæ semper Vírginis Mariæ, beatórum Apostolórum Petri et Pauli, beáti Patris nostri **N.** et ómnium Sanctórum, auctoritáte a Summis Pontíficibus mihi commissa, plenáriam indulgéntiam ómnium peccatórum vestrórum vobis impértior. In nómine Patris ✠ et Filii et Spíritus sancti. Amen.

Si hæc indulgentia immediate post sacramentalem absolutio-
nem impertiatur, reliquis omissis, Sacerdos absolute incipiat a ver-
bis: Dóminus Noster Jesus Christus etc. et ita prosequatur usque
ad finem, plurali tantum numero in singularem immutato.

Benedictio coronarum S. Birgittæ.

- V.** Adjutórium nostrum in nómine Dómini.
R. Qui fecit cælum et terram.
V. Dómine exaúdi oratióem meam.
R. Et clamor meus ad te véniat.
V. Dóminus vobíscum.
R. Et cum spírítu tuo.

Orémus.

Omnípotens et miséricors Deus, qui propter ní-
miam caritátem tuam qua dilexisti nos, Filium
tuum Dóminum nostrum Jesum Christum pro red-
emptiône nostra de cœlis in terram descendere,
et de beatíssimæ Vírginis útero, Angelo nuntiánte,

carnem suscipere voluisti ut nos eriperes de pote-
státe diáboli: obsecrámus imménsam cleméntiam
tuam ut has coronas in honórem et laudem geni-
trícis Filii tui ab Ecclésia tua fidéli dicátas bene- ✠
dícas, et sancti ✠ fices, eisque tantam infúndas vir-
tútem Spíritus sancti ut quicúmque eas portáverit,
vel recitáverit, aut domi reverénter tenuerit, ab
omni hoste et adversitáte semper et ubique liberétur,
indulgéntias lucrári possit juxta mandátum san-
ctæ Románæ Ecclésiæ, et in éxitu mortis suæ a
beatíssima Vírgine tibi plenus méritis præsentári
mereátur. Per eúndem Dóminum nostrum Jesum
Christum Filium tuum: Qui tecum vivit et regnat
in unitáte Spíritus sancti etc.

Benedictio Dei omnipoténtis Patris et Filii ✠
et Spíritus sancti descendat super vos et máneat
semper. **R.** Amen.

Deinde adspergantur coronæ aqua benedicta.

